



Meeqqat Inuusuttullu Pillugit Ilisimasaqarfik

Videnscenter om Børn og Unge | Documentation Centre on Children and Youth

Postboks 1290 | 3900 Nuuk | Kalaallit Nunaat | Grønland | Greenland
Tel.: + 299 34 69 40 | Fax: + 299 34 69 41 | E-mail: mipi@gh.gl | www.mipi.gl

Ulloq 14. maj 2007

Pressemeddelelse – Tusagassiutitigut nalunaarut

Inuusuttut akornanni atugarissaarneq pillugu allakkiap saqqummersinneqarnera

Inuusuttut atugarissaartut pingaarnerutillugu sammillugu Statens Institut for Folkesundhed-ip paasiniaqqissaarsimasaa Meeqqat Inuusuttullu Pillugit Ilisimasaqarfiup (MIPI-p) Paarisa suleqatigalugu tamanut saqqummiuppaat.

”Inuusuttut akornanni atugarissaarneq pillugu allakkiap”-mi ersersippaa meeqqat atuartut 15-18-inillu ukiullit atugarissaarnerat aammalu inuusuttut ajunginnerusumik inuuneqalernissaat pillugu siunnersuutaat. 15-iniit 17-inik ukiulinnik 508-nik aamma 18-inik ukiulinnik ataasiakkaanik apersuilluni immersugassamik elektroniskiusumik akissutit tunngavigalugit suliaavoq tapertaallunilu ”Kalaallit Nunaanni inuusuttut akornanni imminornissamik eqqarsaatit imminoriarnerillu pillugit allakkiap”-mut martsimi saqqummersimasumik siunertaralugu inuusuttut atugarissaarnerat akuersaarnartumik isigalugu allaaserineqarnissaanut. Allakkiami uani meeqqat atuartut taakkoqqissaajupput allakkiami siullermi peqataasimasut. ”Inuusuttut akornanni atugarissaarneq pillugu allakkiap”-p uppersarsarpaa meeqqat atuartut amerlasuut imminornissamut pissusilersornikuugaluarlutik atugarissaartut.

Misissuineq takutippaa inuusuttunit taakkunannga inuusuttut affaat atugarissaartut inissinneqarsinnaapput, nukappiaqqat 59 %-ii nivarsiaqqallu 43 %-ii. Inuusuttut atugarissaartut inuusuttullu annikinnerusumik atugarissaartut nassuiaasersorneqarsimapput. Pissutsit assigiinngitsut inuusuttut atugarissaarneranut pingaaruteqarput, tamakkiisumilli oqaatigissagaanni inuusuttut atugarissartut ilisarnaataat tassaavoq inuit akornanni attaveqarluarneq, kissaatiginagu kiserliunnginneq aammalu peqqissutsip ajungitsutut inuusuttut namminneq nalilernerat. Aammattaaq nivarsiaqqat akornanni atugarissaartuunerup pingaarutaa tassaavoq angajoqqaanik ajornanngitsumik oqaloqateqarsinnaaneq ajornartorsiutit pillugit aammalu angajoqqaat qimassimanninnerat. Nukappiaqqanut atugarissaarneq pingaartuuvoq timersorneq. Paasissutissat annertunerusut takukkit misissuineq pillugu eqikkaanermi ilanngullugu ikineqartumi.

Misissuinerup immikkoortuata aappaa tassaavoq meeqqat atuartut apersorneqarneranni isumaannik misissueqqissaarneq, takutitsillunilu inuusuttut misilittagaannik, isumaannik eqqarsaataannillu. Immikkoortoq meeqqat atuartut 426-t apeqqummut ”**Meeqqat**



ajunnginnererusumik atugassaqqartitaanissaat anguneqassappat taava qanoq iliortoqartariaqarsoriviuk?” akissutaat ersersinneqarput.

Akissutigineqarsimasut amerlanersaat ataatsimoorutaallu tassaavoq ilaqutariinnermik pingaartitsineq. Inuusuttut amerlasuut inuuneq nuannersoq ataqatigiitsippaat ilaqutariinneq nuannersoq piffissaqarfiusoq, ataatsimoorneq, toqqissisimaneq, ataqqinninneq, asanninneq, sianiginninneq, oqaloqatigiinneq, tusarnaarsinnaaneq, angajoqqaat meeqqallu akornanni ammaneq, akisussaaqataaneq aammalu aalajaatsumik killissaqarneq. Angajoqqaat meeqqaminnut sianiginninnissaat ajornartorsiutitik siulliunnagit, meeraarnermi misigisimasatik meeqqaminnut ingerlateqqinnagit inuusuttut tikkuarfaat aammalu angajoqqaat imigassartornerujussuat iliuuseqarfigneqartariaqartoq. Kiisalu inuusuttut kissaataasa ilaat tassaavoq inuiaqatigiinniit sukannersumik iliuuseqartoqartariaqartoq. Inuusuttut akissutaat amerlasoorpassuarnik ajunngitsunik siunnersuuteqarput, taavalu malunnarluni inuusuttut neriulluartut allanngortoqarnissaanik aammalu pitsanngorsaasoqarnissaanik meeqqat inuusuttullu atugarissaarpallaanngitsut pillugit.

Misissuineq Kalaallit Nunaanni inuusuttut atugarissaarnerat 2004-imeersumik paasiniaaqqissaarneruvoq, Kalaallit Nunaanni inuusuttunik 15-iniit 17-inik ukiulinnik 508-nik aamma 18-inik ukiulinnik ataasiakkaanik apersuilluni immersugassamik akissutit tunngavigalugit suliaalluni. Allakkiaq Inger Dahl-Petersen-imit, Cecilia Petrine Pedersen-imit, aamma Peter Bjerregaard-imit suliarineqarpoq.

Misissuineq qarasaasiakkut aaneqarsinnaavoq ukkunanga www.mipi.gl aamma www.paarisa.gl

Annertunerusunik paasissutissat uunga saaffiginnissutigineqarsinnaapput:

MIPI-mi siulersuisuini siulittaasoq Laannguaq Lyngø oqarasuaat nr.: (+299) 55 33 63 imalt. E-mailikkut laannguaq@katak.gl

Imminortarnek pinaveersaartinniarlugu suliamut ataqatigiissaarisooq Jette Eistrup oqarasuaat nr.: (+299) 34 66 60 imalt e-mail: jeis@gh.gl

MIPI-mi ilinniagartuutut sulisoq Lona Lyngø oqarasuaat nr.: (+299) 34 69 43 imalt. e-mail: loly@gh.gl

Danmarkimi attavissaq: Issittumi peqqissuseq pillugu ilisimatooq Peter Bjerregaard e-mailikkut pb@si-folkesundhed.dk oqarasuaatikkut: (+45) 39 20 77 77